



Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 7. Quibus modis Dæmon apparere seleat?

[urn:nbn:de:hbz:466:1-51168](https://nbn-resolving.de/urn:nbn:de:hbz:466:1-51168)

compositus, sed sicut ex fine res patuit, longè
aliter, quām apparebat, fuit. Nam cūm ieū-
nare se cum fratribus demonstraret, occulte
manducare consueverat. Quod eius vitium,
fratres omnino nesciebant. Sed corporis super-
ueniente molestia, ad vita extrema perductus
est. Quicūm esset in fine, fratres ad se omnes,
qui monasterio inerant, congregari fecit. At
illi tali, ut putabant, viro moriente, magnum
quid ac delectabile se ab eo audire crediderant.
Quibus ipse afflictus & tremens compulsius est
prodere, cui hosti traditus cogebatur exire.
Nam dixit: Quando me vobiscum credebatū
ieiunare, occulte comedebam, & ecce nunc ad
deuorandum draconi traditus sum, qui canda
sua mea genua pedesq; colligauit: caput vero
suum intra os meum mittens, spiritum meum
ebibens extrahit. Quibus dictis statim defun-
ctus est, atq; ut pœnitendo se liberare potuisset,
a dracone quem viderat, expectatus non est.

Parænes.
de ruina
Lucif. à
cap. xi.
xii. &c.

Plura de cacodæmonum forma & defor-
mitate qui legere vult, librum meum de
ruina Luciferi adeat, vbi hoc argumen-
tum fusè tractavi.

§. VII.

Quibus modis dæmon apparere soleat?
Ex historijs huc usque recensitis satis
constat

constat, diabolum ipsum specie monstrofa
& corporali apparere, sicut Euæ apparuit, Gen. 3.
in figura serpentis; quamuis non constat, Matth. 4.
qua figura fuerit, quando cum lapidibus
ad Christum, in deserto, accessit tentator.

Teste etiam S. Damasceno, *Mali angeli po-* S. Damas-
testate à Deo concessa, & viribus pollut, & scen. I. 2.
immutantur, & in quamlibet formam (ut de fide
*quidem apparent) migrant. Scire igitur ali-
quis volet: Quo pacto ita possint appare-* S. Thom:
re? Aio duobus modis id fieri posse, primò 2. 2. q. 171.
per ludificationem sensuum, ita ut non a. 5. ad 2.
nulla, quæ de illis narrantur, in visione. & q. 173.
phantastica duntaxat atque imaginariâ q. 174. a. 2.
contingant; adeoq; solâ apparentiâ, præ- ex S. Aug.
stigijs & illusione. Eiusmodi illusiones lib. 9. Ge-
facile fieri possunt per motum localem.. nes. ad lit.
Negari certè nequit, ipsos quoque bonos
Angelos sâpe solum secundum internam
imaginationem hominibus loqui & appa-
rere. Quemadmodum & multæ Angelorū
visiones, in Apocalysi narratæ, solum in-
terioris in phantasia factæ videntur; neque
rarò sagæ à dæmonibus illuduntur, cùm
ad varia se se loca vehi existimant domi
dormientes. Secundò tamen non omnes
eiusmodi apparitiones dæmonum sunt.

imaginariæ duntaxat, sed sæpe assumunt
vera, atque exterius sensibilia corpora, ita
ut ab omnibus videri queant, aut audiri,
aut tangi. Quæ corpora non sunt illis spi-
ritibus naturaliter, ac substantialiter uni-
ta. Neque enim Angeli sunt corporei,
aut formæ ex natura sua ad corpora sub-
stantialiter informanda idoneæ. Assumunt
tamen corpora non per solum motum lo-
calem, alioqui omnia corpora quæ loco
mouent, ut cælum, & homines, v. g. Ha-
bacuc per aërem portatum, dicerentur as-
sumpsisse. Ut ergo in assunitis corporibus
possint verè apparere, necesse est illa cor-
pora esse visibilia, & tangibilia, & adeò ut
habeant colorem, duritiem, frigus, calo-
rem, aliasque qualitates, per quas possint
tangi, videri, vel alio modo sentiri. Quod
fit, dum agentia & passiva artificio mo-
do applicantur, figuram formantia, in qua
se volunt præsentare. Vbi eadem est bono-
rum & malorum Angelorum ratio. Qui
dicat, Euam à serpente illusione tantum
phantasiæ aut oculorūm ita deceptam esse,
quemadmodum in somnijs, aut præstigijs
fieri solet? Quis neget, dæmonem ad Chri-
stum visibiliter accessisse? Quis credat

Gabrie

Gabrielem ad Dei matrem, alios Angelos ad Magdalenam in die Resurrectionis, vel ad Apostolos in Ascensione Christi, perphantasiam tantum locutos? Fuit ergo id, per quod dæmon Euæ, aut Christo, & boni Angeli Mariæ utriusque, ac Apostolis apparuerunt, aliquid externū, & aptum ad sensus eorum externos naturaliter immutandos. In hanc sententiam scribit S. Augustinus: *apparuisse hominibus Angelos in talibus corporibus, ut non solum videri, verum etiam tangi possent, verissima scriptura testatur.* S. Ildorus etiam modum explicans ait: *Angeli corpora, in quibus hominibus apparent, de supremo aëre sumunt, solidamq[ue] speciem ex caelesti elemento induunt, per quam humanis obtutibus manifestius deteguntur.*

§. VIII.

Vera, vel phantastica apparitionis discrimen, & modus.

Indicium autem valde probabile, ad imaginariam & externam apparitionem discernendam à S. Thoma illud est traditum, quod ea, quæ solum per imaginariā apparitionem, aut per illusionem sensuum fiunt, tantum quoque appareant illi homini, qui specialiter illuditur, non tamen

Dd 3

com-

S. August.

lib. 15. de
ciuit. cap. 3

23.

S. Ildor.

lib. 5. de
summo

bono

cap. 10.